

Za  
3264








La 3266

Jo. BENEDICTI CARPZOVI  
AD  
NOBILISSIMUM ET CLARISSIMUM VIRUM  
**JACOBUM BORNIIUM**  
EPISTOLA,  
QUA  
DE OBITU PARENTIS  
VIRI MAGNIFICI ICTI ET ANTE-  
CESSORIS  
EUM SOLATUR.



LITERIS BAUERIANIS.





T que utinam ipse jam dudum ex hac  
 Vita discessissem, quæ non nisi cum  
 Lacrymis amatur, & ærumnarum ac in-  
 felicitatis plurimum, parum gaudii,  
 parum Lætitiæ & amœnitatis confert.  
 Recrudescit Orbitatis vulnus ante triennium fere  
 inflictum mihi, quando hodie Tuo Parente orbaris,  
 Amice, ut Tibi cõmunis mecum fortuna sit. Quo  
 carior Tu mihi, eo acerbior etiam hic Obitus, cujus  
 me intestinus dolor adeo cruciat, ut, qui Te consola-  
 ri cupio, consolationem petere propemodum abs Te  
 audeam, quæm æquo animo ferre video hæc fata, &  
 gratulari quasi Parenti ex mortalitate ad Immortali-  
 tatem, ex terrestri tugurio ad Palatium cœleste, ex du-  
 bia peregrinatione ad æternam Patriam, ex turbu-  
 lenta Vita ad Pacificam, ex tenebris ad lucem tradu-  
 cto. O Te felicem, qui liberati Vitæ vinculis tot  
 Tempestatibus, naufragiis, incendiis, ruinis obnoxia,  
 non invides beatitudini, & amplissimis præmiis, qui-  
 bus jam in Cœlesti Hierosolyma coronatur, postquã  
 heic DEO gratus abunde sibi gloriam paravit. Lo-  
 quuntur id Principes multi & Magnates, qui Viri Il-  
 lustris solertiam & legum scientiam, & circa suas jus-  
 siones fidem ex multis rerum argumentis acceperunt.  
 Loquun-



9079


Loqvuntur non pauci, qui ad Juris Civilis studia animum adplicantes hanc Antecessoris quondam sui disciplinam cognovere, jam in summo honorum ac dignitatum fastigio constituti. Loqvuntur innumeri, qui ad scientiam Juris consultorum confugere, in quorum Collegio ipse magno omnium bonorū adplausu Consultoribus respondit Arbitræ æquitatis. Loqvuntur plurimi, quos Prudentia, Legibus, Judicio, Consiliis defendit contra callidos Legulejorum astus; præsertim pauperes omni & auxilio & ope destituti, quibus cum gaudio adfuit. Univerſa loqvitur Patria, cujus si merorem noluiſſet, nunquã debuiſſet naſci, nec mori unquam, si perenne Reipublicæ voluiſſet decus & Commodum. Tanta in eo erat Sapiencia, & peritia rerum omnium, tanta Virtus, ut summo, quem istis sibi conciliaverat, honori summam modestiam jungeret, Fidelis erga Majores, erga inferiores humanus, Candidus erga æquales, nemini durus, nemini morosus. Tantum igitur Virum præter spem amissum lamentamur merito omnes, de nostris ipsi annis concedere parati, si vitam redimere integrum, nec in Sanctissimam animam suo Cœlo, unde venerat, repositam, injurium foret. At Tu spes magna & solatium es, Vir Nobilissime, in quo Paterna Virtus & Eruditio tanquam in Speculo refulget. Quæ res non mediocrem etiam Tibi Consolationem adferat. Nihil in vita quidem, unde majora percipere nos commoda solemus, quam a Paren-



Parentibus, quibus orbatū orbatū simul omni vide-  
 mur Bono, & Præsidio, & Patrocínio, quod aliunde  
 postea quærendum nobis est. Et frustra læpius, dum  
 meritorum Parentum obliviscuntur, qui bene de fi-  
 liis mereri possunt. Quanquam vero non ex illorū,  
 sed nostri amore hic proficitur dolor, quādo sum-  
 mo in super Fato fata Mortalium disponenti diffidi-  
 mus; Tu tamen, in eo me longe felicior, Eruditione  
 Tua, & Virtute, præfiteini hoc nunc dixerim, in Te  
 omnium, Maximorum, minimorum oculos atq; a-  
 nimos dudum convertis, qui tibi uno ore favent &  
 adplaudunt. Non Te profecto exigua manent; sed  
 illustris splendor, & gloria singularis, & quicquid de-  
 niq; defertur iis, qui divinæ animorum luorum præ-  
 stantiæ non ignari rectæ fiducia Conscientiæ atque  
 Morum & Vitæ Sanctitate integros se præstant  
 DEO. Meæ vero hæc maxima felicitatis pars est,  
 quod de Favore mihi Tuo & Benevolentia gratulari  
 possim. Te dies memoro, Te noctes somnio, nec  
 preces unquam ad Immortalem DEUM fundo,  
 quin Tuam salutem flagitem & incolumitatem. I-  
 dem hunc Tuum & Nobilissimæ familiæ dolorem  
 leniat, atque vos omnes sartos tectos, & ab omni in-  
 commodo, detrimento, molestia sinceros con-  
 servet. Vale. d. VII. Idus Sextilis,

A.S.R. M DC LX:





ULB Halle

3

003 730 506







Jo. BENEDICTI  
AD  
NOBILISSIMUM ET CL.  
**JACOBUM**  
EPISTO  
QUA  
DE OBITU I  
VIRI MAGNIFICI  
CESSO  
EUM SO  
LITERIS BAU

